

RIBEIRA CONCILIA PRIMAVERA 2026

O servizo lúdico e educativo “RIBEIRA CONCILIA”, celébrase dende hai anos como unha programación estable adquirindo grande demanda e satisfacción cidadá. Nesta ocasión, é de interese da área dos Servizos Sociais Comunitarios impulsar o programa de conciliación durante as vacacións de Primavera (Semana Santa) 2026, coincidindo coas datas das vacacións escolares, de luns a venres – excepto festivos – de 08:00 a 16:00 horas e destinados a nenos e nenas de 3 anos (escolarizados) a 12 anos co obxectivo de que os máis novos pasen unhas vacacións de ocio e divertimento, desenvolvendo actividades que respecten os dereitos da infancia, teñan en conta a perspectiva de xénero no seu deseño e execución e observen valores cívicos, respecto á diversidade e solidariedade, e promovan corresponsabilidade nos coidados e a igualdade entre mulleres e homes a través de diferentes actividades educativas, culturais, entre outras.

Co fin de poder abrir un **período de preinscrición** para esta actividade, propónse a publicación dunha **normativa de admisión** onde se detalla como tramitar a súa reserva de praza correspondente, no período que se estableza e achegando a documentación requirida.

Os requisitos de prioridade para a participación, **en caso de superar as prazas ofertadas**, serán os seguintes por orde de prelación:

- Persoas empadroadas no concello de Ribeira.
- Familias con nivel de renda percapita máis baixo ou risco de familias en risco de exclusión social.
- Familias monoparentais.
- Familias con vítimas de violencia de xénero en calquera das súas formas.
- Familias nas que o propio participante acredite unha discapacidade de ao menos o 33% (acreditando tal condición co certificado de discapacidade).
- Familias numerosas.
- Familias refuxiadas ou solicitantes de asilo.
- Familias nas que traballen os dous proxenitores.
- Por rigorosa orde de inscrición segundo o número do Rexistro.

Na mesma liña propónse a **reserva do 10% das prazas para emerxencia social**. Estes participantes deberán derivarse dende a área dos Servizos Sociais Comunitarios do Concello de Ribeira a través dun informe ou relación detallada elaborada polos profesionais do departamento.

ORGANIZACION DA ACTIVIDADE :

Período: días 30 e 31 de marzo, 1 e 6 de abril de 2026.

Número de prazas: 40 participantes.

Destinatarios: Nenas e nenos nados de 2014 a 2023 - escolarizados e sen cueiro-.

Lugar de celebración: CONSERVATORIO MUNICIPAL DE MÚSICA “ENRIQUE PAISAL”.

Horario: de 08:00 h. a 16:00 h.

Prezo de matrícula: GRATUITA

***A empresa adxudicataria ofrecera o servizo de xantar sempre e cando se inscriban un mínimo de 5 participantes. Este servizo será aboado directamente polas familias a empresa concesionaria, previa contratación cun custo de 5,5 €/día**

Admisión de participantes con diversidade funcional:

As persoas que teñan unha discapacidade igual ou superior ao 33% poderán participar nesta convocatoria cumprindo os seguintes requisitos:

- Acreditación ou documentación necesaria no caso de que o menor teña necesidades específicas de apoio educativo e/ou discapacidade. Facer constar a súa condición no impreso de solicitude, co fin de planificar os apoios persoais necesarios, se os precisara.

PAZOS E FORMA DE PRESENTACIÓN DE SOLICITUDES:

Ábrese un **prazo de prescrición do 16 ao 26 de marzo de 2026** período no que poderán anotarse todas as persoas interesadas que cumpran os requisitos establecidos cubrindo os anexos I e II de inscrición xunto coa documentación obrigatoria correspondente.

As solicitudes faranse a través do Rexistro Xeral do Concello de Ribeira. Deberase realizar un rexistro por cada unidade familiar a inscribir aos efectos de que cada unha delas dispoña do seu correspondente nº de solicitude:

- **De maneira presencial no DEPARTAMENTO DE SERVIZOS SOCIAIS COMUNITARIOS ou na OFICINA DE ATENCIÓN CIDADÁ DO CONCELLO (atención ao público de 9.00 h. a 14.00 h.)** presentando a **ficha de inscrición cuberta (Anexo I), folla de autorización (Anexo II), copia do DNI do participante e do pai/nai/titor e demais documentación esixida.**
- **De forma telemática (necesario certificado dixital) a partir das 9:00 hs do primeiro día de prazo.** a través da web www.ribeira.gal no seguinte apartado – **SEDE ELECTRÓNICA-TRÁMITES DESTACADOS – SOLICITUDE XENÉRICA.** Deberase tramitar a solicitude de carácter xeral e axuntar a ese procedemento a **ficha de inscrición cuberta, folla de autorización asinada, copia do DNI do participante e da nai/pai/titor e demais documentación esixida.**

Documentación OBRIGATORIA necesaria para a realizar a solicitude:

- Ficha de inscrición debidamente cuberta (**Anexo I**)
- Autorización de participación debidamente cuberta (**Anexo II**).
- DNI ou folla do libro de familia correspondente ao participante.
- DNI do pai/nai/titor responsable.
- Documentación que xustifique a situación socio familiar dos criterios de prioridade.

LISTAXES DE ADMISIÓN E AGARDA:

As **listaxes de admisión, agarda e vacantes publicaranse o 27 de marzo**. As listaxes publicaranse na páxina web do Concello de Ribeira, www.ribeira.gal. Tendo en conta a protección de datos de carácter persoal, na lista publicárase o nº de rexistro de entrada da solicitude.

Se quedasen solicitudes en agarda iranse cubrindo as baixas por orde de inscrición segundo a listaxe de espera. Nestes casos o departamento de Servizos Sociais contactará previamente co solicitante para comunicarlle dita circunstancia e confirmar o seu interese por participar na actividade.

Se quedasen prazas vacantes dispoñibles, poderanse facer novas inscricións dos xeitos anteriormente citados nos prazos a determinar pola Concellería de Servizos Sociais, sendo cubertas as vacantes por rigorosa orde de solicitude.

.